



36779

I

Mag. St. Dr.

P

innocentiae.

Leopoldi Typis Coll. S. J.
1746.



36779

I

AUCUPIUM INNOCENTIÆ

AB EO,
QUI CIRCUIT,
QUÆRENS, QUEM DEVORET.
STYGIO AUCUPE

In Probitatis & Innocentiæ capturam
sive ruinam, variis dolis & ar-
tibus instructum.

Nunc verò

In proborum Adolescentum, Scholas
RR.PP. Soc. JESU frequentantium
gratiam & cautelam detectum.

sive

Ad pravi Societatis pericula exemplo
Landelini fugienda, brevis admonitio;
bonorū omniū lectioni & usui cōcinata,
à R. P. GABRIELE HEVENESI
è SOCIETATE JESU.

pluries recusa.

Leopolis Typis Collegii S. J. A. 1746.



Agnoscite Dilectissimi, & expave-
scite consortia eorum, qui
salutem impediunt animarum!
Horrendum penitus sacrilegi-
um (Innocentiam depravare)
quod iplorum videtur exce-
dere facinus, qui Domino Ma-
jestatis manus sacrilegas inje-
cerunt. *S. Bernard. serm. 1 de
Convers. S. Pauli.*



36.779

I



LANDELINUS

SEU

MALÆ SOCIETATIS
INSIDIÆ DETECTÆ,

In usum

*Cum omnium integritatis amantiū;
tum innocuæ potissimūm Adole-
scentiæ utilitatem.*

LANDELINUM, è prima Gallo-
rum nobilitate oriundum, hic sisti-
mus, ea felicitate in lucem edictum, ut
animam sortitus bonam, jam à puero
ingentes de se spes excitaret, easque
etiam, ob præclaras tum naturæ, tum

A3

gra.

graviæ dotes, progressu temporis superaturus videretur. Vix annis capit adulescere, summâ ut erat indolis morigerâ in parentes ferebatur observantiâ, in superos pietate: quæque salutariâ, à moderatioribus instillabantur, avido non minùs, quàm capaci virtutis animo excipiebat. Spectanda erant in puero paululùm ephebis egresso, & vivacis ingenii mira docilitas, candidissimorum morum integritati conjuncta, & singulare imprimis liliatæ puritatis studiùm: quam floris instar tenerrima rigabat devotio, verecundia firmo munimine sepiebat. Talem igitur, tamque probum filiam domestici suspiciebant ut Angelum, parentes chariorem oculis habebant: & quia tam auspicata adulescentiæ signa observabant, ex his, velut ex aurora diem solemus, faustum quoque proventioris ætatis cursum omina-

minabantur, Sed ó fallaces hominum
 spes! Non defuere stygio hosti consue-
 tæ artes, quibus niveam hanc columbam
 denigraret primum, tum planè in rete
 suum pertraheret. Pravos nimirum
 substituit socios, nequitie suæ fidos
 ministros: quorum infami consortio
 brevi effectum est, ut Landelinus quo-
 tidie se ipso evanderet deterior: jamq;
 eò juvenutis æstu, & pravorum corru-
 ptelâ hominum abriperetur, ut hone-
 stas omnis, ac virtus, tanquam inchary-
 bdi quadam, naufragaretur. Jam dux,
 & antesignanus erat ad nequitiam cæ-
 teris, qui initio non nisi timide seque-
 batur. De scelere in scelus voluitur, va-
 riiq; è flagitiis catenam necit, quâ
 se, & alios secum ad inferos traheret.
 Nihil jam in eo instillata cum lacte
 salutis monita, nihil imbibitus à teneris
 DEI timor, nihil avitæ stirpi per sce-

lestam vitam inurenda macula, nihil
parentum minæ, & intentatæ pœnæ
proficiebant. Hoc unum ex insita in-
genuitate, per honestam disciplinam
diu exculta, remansit, ut suimet pude-
ret ipsum, nec ferre posset oculos, nec
linguas, quibus passim configebatur.
Hinc desperatione, consultrice pessima,
in consilium vocata, statuit, ut, quoniã
inter homines famã esset proculcatã, in
avias silvas concederet, & postquam se-
mel cœpisset ire in præceps, in extremã
se ruinam impelleret. Igitur latronum
se consortio adjungit, eorũque ipse
primipilus, rapinas, & cædes agit. In
eo vitæ genere aliquandiu versanti mi-
serationis Divinæ lux è cælo affulsit,
& DEI, sui que oblitum alieno exitio in
propriæ salutis curam excitavit. Forte
commilitonum chariorum aliquis sub
eam ipsam noctem, quã opimas prædas
retu-

retulerant, improvisa morte è vivis eripitur: nemo amissionē chari capitis Landelino ferebat ægrius, nemo concepto dolori laxiores habenas indulgebat. Cū ecce solem fugienti, luctuique demerso repente se species objicit Adolefcetis aligeri, celesti facie, amictuq; pulcherimo (Titularis is Genius erat] hic vultu ad severitatem composito: quousque, inquit, miser perditum amicum stebis, quem cælo extorrem jam Divinæ iræ vindicta comprehendit? Mox debiscente terræ abyſſo, fidum, & Achatem, conspicit à demonibus in pænarum baratrum abripi, dirissimis inferni flammis eternūm discrucandū. Coborruit enim verò ad tam triste spectaculum Landelinus; & metu propè exanimis parem sceleribus suis vindictam jamjam instare existimabat. At vultu jam sereniore trepidantem eri-

gere Angelus; amissum objicere. per infanda flagitia primæ innocentie statum; multa de prava malorum conversatione, improbitatis omnis magistra, ingerere; de Beatorum æternum felici, damnatorum verò tristissima societate differere; ad pœnitentiam tandem condignam, & reconciliandum offensum Numen adhortari. Ad hæc seria Custodis Angeli monita in se ipsum redire cœpit Landelinus; & cum amaro cordis gemitu intueri, quantum heu! ex depravata societatis duellu mutatus esset ab illo, quem illibata quondam virtus cælo pariter ac terræ reddebat amabilem. Occurrebat longa patratorum scelerum series; accusabat rea conscientia; per ora lachrymæ, contriti cordis indices, volvebantur. Ultricem dehinc scelerum suorum iram in se ipsum vertit; in asperrimis pœnitentie operibus,

bus, carnisque afflictationibus, in jejunis & vigiliis, oratione & peregrinationibus omnem reliquam exigit vitam. Sed nè tanto rigori suum quoque deesset lenimen, asperitates corporis suavissimo Mariæ, Angelique sui Custodis amore condebat. Cilicio, ac cineri ultimum indormiens, purgatam, ut aurum, DEO animam reddidit, in vita æquè, ac post mortem miraculis clarus: & relictis ubique sanctitatis vestigiis, adolescentibus omnibus malè seductis, quomodo relegenda sit via, ut evadant ad Superos, monstravit.

Surius 15. Junii. P. Paulus Zehentner in promont. malæ spei l. 3. §. II.

AD BENEVOLUM LECTOREM.

Res in aperto est, teneris adolescentum animis n n aliunde graviora cum innocentia, cum salutis impē-

As dere

dere pericula, atque à pravorum sociorum consortio. Hi, è pueritiæ annis egressis, primi occurrunt laquei, quibus tot, ac tantorum capta perit integritus. Dum vitam egêre privatam, mores præseferrebant Angelicos, mox ut in vitam communem, velut apertum cāpum, evasêre, improborum septi turbâ ea audiunt, persuasi consiliis credunt, impulsî exemplis faciunt, quæ prius, morte proposita cogitare, nè dicam facere, recusâssent. Sunt nimirum, ut, quod sentio, dicam, improbi hi sodales optissima instrumenta tartarei aucupis; per hos ubivis locorum insidias struit castitati, tendiculas ponit innocentiae, cippos fabricat pudicitiae. Pro fistula illis sunt illecebrosæ blanditiæ, pro visco obscæna verba, pro cassibus prava exempla, pro esca vetitæ deliciae, pro fine aucupii mors. & interitus in-

nocen-

nocentis animæ. Quare flendam tot ani-
 marum ruinâ, sortemquæ vestrâ misera-
 ti, ô Adolescentes integerrimi; vobis in-
 ter tot improborum offendicula incedēti-
 bus, Landelinum hunc comitē adjunge-
 re placuit, qui laqueos, & insidias dete-
 gat, quas ipse tūm lubricæ ætatis impe-
 tu, tūm pravorum maximè sociorū in-
 pulsu malecantis incurrit, nec nisi ad ju-
 trice Custodis Angeli opera ex nisdem se
 se extricavit. Vos alieno periculo cauti-
 ores evadite; ævi rete agnovisse, effugisse
 est, Psalmista testante Frustrâ jacitur re-
 te ante oculos pennatorū. Quidni pra-
 vorum sociorum detexisse ingenū frau-
 des & malignas artes digito mōstrâsse,
 perinde erit, atque vestram periculâ: tū
 innocentia ab exitio præservâsse? Agite
 igitur, amicum hunc vobis hospitem, &
 viæ ducem benevole excipite, & illius du-
 ctu securi florentis ætatis semitam in-
 offenso pede decurrite.



C A P U T I.

Mali locii sunt stygii aucupis
allectrices aves.

A Pollonius Thyanaeus (teste Alex.
an Alex. l. 4. c. 7) hoc unum à
Diis petiisse fertur: *nôsse bonos,*
malos vitare. Quânto sapientiùs idem
à DEO precabitur adolescens Christi-
anus: bonos nimirum & nôsse, &
imitari, improbos & odisse, & fugere.
Ut verò. quod sæpe difficile, malè fe-
riatorum hoc hominum genus discer-
nere liceat, non tam vultus, quàm
mores, animi indices, inspiciendi
sunt: & deprehendemus nonnullos
tam professæ impietatis, & nequitiaë,
ut

ut prima fronte flagitiorū licentiam vendere non erubescant. Atque à similis farinae sodalibus se juvenem depravatum Augustinus senex deplorat l. 2. Confess. c. 3. 9. & 10. Præceps ibam, inquit, tanta cœcitate, ut inter coætaneos meos puderet me minoris dedecoris, quàm audiebam eos jactantes flagitia sua, & tantò gloriantes magis, quantò magis turpes essent. Libebat malum facere, non solum libidine facti, verum etiam laudis. Quid dignum est vituperatione, nisi vitium? Ego nè vituperater, vitiosior fiebam: fingebam me fecisse, quod non feceram, nè viderer abjectior, quò eram innocentior, & nè vilior haberer, quò eram castior. Ecce cum quibus comitibus iter agebam platearum Babyloniae, & volutabar in cœno, tanquàm in cinnamomo, & un-

guentis pretiosis. Onimis inimica amicitia! At non adeò metuendi hī sunt timoratis mentibus; nisi me fallo, pauci sunt, qui cūn malè egerint, gloriari audeant in rebus pellimis; jamque adeò profundo hæreant, ut vitiosi esse non modò velint, sed & videri.

Eorum magis extimescenda vafrities, qui sub columbino candore milvum tegunt, & in quorundam familiaritatem eò blandiùs se primò insinuant, quò deinde perniciosius instigant ad pessimam libertatem. *Alle-
trices volucres* non immeritò dixerim, quæ cūn ipsæ jam à stygio aucupe teneantur captæ, alias quoque fraudis nescias, fallaci modulamine in laqueos pertrahunt, & retia. Videas Adolescentes improvidos & simplices, suavissimis linguæ perfidæ de-
lini-

linimentis ab iis mulceri: vocantur
 Fratres, Amici, Achates, fidissimi So-
 dales. Offeruntur officia, promittun-
 tur obsequia, prætenditur utilitas li-
 teraria, obtruditur palpus, oblinitur
 fucus, glaucoma obducitur oculis,
 donec fallacem in modum, & nodum
 infelices implicentur, creptoque plu-
 meo illo innocentia velle in prædâ
 cedant Cacodæmoni. Quid suavius
 allectricibus illis vocibus: *Veni no-
 biscum &c. Sortem mitte nobiscum;
 marsupium sit omnium nostrum.* O de-
 ceptrices voces! cave festinus advo-
 les, & perfidis volucris te aggredes.
 Revocantem Spiritum Sanctum audi:
*Fili mi, si te laſſaverint peccatores, nè
 aquiesca eis. Si dixerint: veni nobi-
 scum, nè ambules cum eis: prohibe pe-
 dem tuum à semitis eorum; pedes enim
 illorum ad malum currunt.* Prov. i. c.

Ex cantu quoque facile agnoscat molles illas, ac turpes Veneris aves, dicentes: *Venite, & fruamur bonis, quæ sunt, & utamur creaturâ, tanquã injuventute, celeriter. Vino pretioso, & unguentis nos impleamus, & non prætereat nos flos temporis. Coronemus nos rosis, antequam marcescant, nullum pratum sit, quod non pertranseat luxuria nostra. Upuparum hi sunt moduli, in luto turpitudinis delitescentium Nec damnoſa minùs eorum cantilena eſt, qui, ſicut pietatem omnem cum honeſtis artibus fugiunt, canèque pejus, & angue averſantur; ità quoque coætaneos ſuos ad non diſparem viæ licentiam pellicere conantur. Vis nôſſe diras has, & infauſti ominis aves? Ex fruſtibus eorum agnoſcetis,* ait Servator, Math. 7. Non ſolùm vo-

cis,

cis, sed operum quoque attende notas, quas præferunt illi ætatis teneræ corruptores. Si qui otio & desidie dediti solem stertendo excludunt, si literas pertæsi pro Scholis frequentant popinas & ganeas, si compositionibus & symposiis indulgent liberius, si familiarius ambiunt fæminarum consortia, si prætexitata verba crebrius effutiunt, si scurrilibus dictis aures inficiunt, si neglecto penso Scholastico excusationes medaciis fulciunt, si bonorum congressum fugiunt, malorum ambiunt, si parentum moderatorumque disciplinam excutiunt, si nocturnis gratiationibus assueti se fortivè domo eripiunt, si Márianis conventibus, pùtque adhortationibus se subtrahunt, quin correctionibus etiam resistere protervè, bona consilia exsufflare impudent-

denter, ferium nihil moliri, & quæ horum sunt similia, sinè fronte per-
petrare audent, ohe! *hi nigri sunt,*
hos tu Romane caveto. Prædatrices vul-
tures sunt; candori tuo & innocen-
tiæ tendiculas parant; periisti, si in-
vitantium vocibus obsequaris. Sed
quia noverunt, neminem repentè fie-
ri pessimum. sensim sinè sensu vitia
instillant. Seductionis principia ple-
rumque apparent casta, honesta, pu-
dica: verecundia præfertur verbis,
modestia in moribus, comitas in offi-
ciis, communicatio in studiis, simu-
latio in pietatis exemplis; non secus,
ac faciunt aucupes, tegunt dolos vi-
ridibus ramusculis: primò circum-
volant, deinde circumfiliunt aviculæ,
sparsim granula carpunt; avolant, re-
volant (nam illices cantu vocant) do-
nec implicatæ reti symbolam solvant.

aucupi, Ità omnino se res habet cum
seductrice consortio. Invitantium de-
liniti bladimentis Adolēscētes, sub-
timidè primū se jungunt suspectis
sociis: paulatim assuecunt familiari-
tati; absterrentur quandoque iterum,
seu arguente interiūs conscientia, seu
externo monitore perculsi. Canit rur-
sus auceps, aut ejus allectrices avicu-
læ; redit iterum incautus adolescens,
sed furtivè. & non finè metu: donec
sensim minùs & minùs caveat deci-
pulam, quia semel atque iterum si-
nè pudoris detrimento elapsus. Fa-
ctus tamen indè liberior ad lequiora
sectanda, fastidiosior ad virtutis exer-
citia, incipit partem de consuetis pre-
cibus decerpere, in literarum & pie-
tatis studia segniùs incumbere; rari-
ùs in se ipsum descendere; Iulus in-
ter & cyathos incalescere crebriùs; o-
culos

culos curiosius in alienas formas obli-
 quare: ita paulatim ex scintilla fit flā-
 ma, ex rima ostium, ex guttis inun-
 datio navis, uno verbo, adolescens
 probus & innocens, modestus in gres-
 su, verecundus in vultu, moderatus
 in victu, circumspectus in visu, qui
 puras antè ad cœlum tendebat manus,
 ore innocens fundebat preces, mayo-
 ribus erat solatio, æqualibus exemplo,
 inferioribus venerationi, velut incā-
 tationibus fascinatus ex turture fit
 milvus, ex columba vultur, ex An-
 gelico juvene, socius diaboli. Merito
 talis, ubi jam undique se inextrica-
 bilibus laqueis conclusum videt, il-
 lud Jerem. Thren. 3. ingemiscat: *Ve-*
natione ceperunt me. Sed sera plerū-
 que nimis illa cantilena est: *Societas*
mala me perdidit! decepti sunt, quia
 decipi voluerunt, ad saniora consilia
 surdi

furdi, auriti nimium ad pravorum
hominum invitamenta: hinc magnā
infortunii partem, non tam alienae
improbitali, quā suae ipsorummet
malitiae imputent, est necesse.

CAPUT II.

Mali Socii pravorum collo-
quiorum visco implicant.

QUOD avibus sunt virgæ visco il-
litæ, hoc prava improborum col-
loquia sunt audientium animis. Hinc
Petrus Damianus, Sanctitate, & do-
ctrinā clarus, linguam impuram e-
leganter turdo confert, cui idem,
quod alimento, hoc etiam exitio est:
nempe ex eo, quod edit, & egerit, vi-
scus provenit, quo & ipse, & aves cæ-
teræ capiuntur: ita prorsus impudicè
garrulus viscum excernit ore, quo
lo-

loquentem simul cum audientibus
 stygius auceps agglutinat. *Nolite se-*
ducti: corrumpunt mores bonos collo-
quia prava, monet Apostol. 1. Cor.
 c. 15. Ah quanti juvenes hoc uno fa-
 tali glutine implicati sunt! labem in-
 tegritatis, & mortem animæ, quam
 cæteris fortè sensibus arcebant, hau-
 serunt auribus. Verè *vita & mors in*
manibus linguæ sunt. Prov. 28. & ple-
 rumque illâ, tanquam instrumento,
 diabolus utitur ad mentes innocentium
 inquinandas. Ex melliflui Doctoris
 sensu Sermone de 7. Spirit. *Uti sunt*
elinguës & muti; sic etiam sunt facun-
di & laquaces diaboli: inter hos signi-
 fer est lascivus dæmon, cujus officium
 est colloquia his verborum spurcitiis
 aspergere, inverecondos sales ubique
 miscere. Guilielmus peraldis Lugdu-
 nensis Antistes Serm. 24. in Cantica,
 impu-

impuros sermones *diaboli* *puta* com-
 pellavit, quæ non tam suo, quàm ob-
 icœnorum Fabulatorum ore evomit,
 disque tanquam viscosis, & sulphura-
 tis inferni tædis mentes castas inqui-
 nat pariter, & in impuros ignes ac-
 cendit. Quid verò aliud à procaci-
 bus flagitiosorum sociorum linguis
 expectes, nisi sermones sordibus ple-
 nos, qui os suum diabolo pro nido
 locârunt, ex quo sibilans tartareus
 coluber venenum afflat? quò fit, ut
 verborum turpium licentia non in
 loquentis tantum perniciem vergat,
 sed eos etiam, qui hæc talia lequen-
 tem audiunt, aspergine lutulenta in-
 ficiat, paulatimque pudor omnis per-
 verba evanescat. *Unus est*, inquit Ber-
 nardus Serm. 24. in Cant. *qui loqui-*
tur, & unum duntaxat verbum profert,
& tamen illud unum verbum, uno in
momento

momento audientium, dum aures afficit, animas interficit. O quis præco severum quidem, dudum tamen antiquatum Pauli præceptum, ea vocis contensione, intonet, ut non modò ad omnium pertingat aures, sed animos quoque altissimè penetret! Omnis, inquit ad Ephes. c. 4. omnis sermo malus ex ore vestro non procedat. Omnis immunditia, aut avaritia nec nominetur in vobis, sicut decet Sãctos, aut stultiloquium, aut scurrilitas, quæ ad rem non pertinet. Audistis procaces locutuleij? nec nominetur in vobis. Nam uti optimè Tullius: pudici, ait, etiam cùm de pudicitia loquuntur, erubescunt; & siquidem rem odisse debemus, etiam ipsa rei nomina nobis sunt averfanda. Fœdum piaculum foret, sacros calices in profana liquare pocula, publicisque temulentorum
sym-

symposiis inferre: & nefas non sit Deo, superisque detestabile, si quis ore suo, per quod Dominicus Angelorum panis toties infertur, petulanter abutatur ad propudiosas narratiunculas; turpes jocos, cantiones cyprias &c. & animi sui vestibulum, quo Divina Eucharistia excipitur, in lupa iar mutet, & prostibulum diaboli? Impium scelus, linguam, coelestis epuli sedem, Veneris facere interpretem. *Condemnabit te os tuum, Job. c. 15. & labia tua respondebunt tibi.*

Refert Plinius lib. 15. c. 8, sterile-scere oleam, si eam capra linguâ tondeat, aut lambat tantum. Sanè si solidus caper talis, illoti oris socius, colloquiis interveniat, juvenum animos, velut adolescentes oleas facillimè ità corrumpit, ut, quod semel malè audierunt, ejus per omnem vi-

tam pessimè recordentur. Quod audire delectat, celerrimè excipitur, eoque graviùs nocet, quò suaviùs instillatur: & quamvis non statim officiat, semina tamè in animo relinquit, sequiturque auditorem resurrecturū postea malum. Bernardinus, dolescens Nobilis, patriâ Senonensis, tam verecundus à puero fuit, ut, quoties sordidum ejusmodi verbum audisset, non aliter colorem duceret, quàm si quis ei vultum colapho percurrisset. Unde cœvi pueri, si quando minùs honesta locuti, viso eo: tacete, dicebant, tacete! Bernardinus venit. Æmulus Bernardini extitit Stanislaus Kostíka, è nobilissima Polonorum familia oriundus; qui cùm teneræ adhuc ætatis puer paternæ adhiberetur mensæ, in qua convivæ nonnunquam, militaris præsertim genii homines, liberioribus

sali-

salibūs, & facetiis epulas condebant,
 gravius illæ accidebant Stanislao, quā
 ut castæ ipsius aures ferre possent.
 Hinc mutare primū vultum, oculos
 cœlo defigere, saxi instar immobili-
 ter hærere; & nisi orsam sermonis te-
 lam abrumperent hospites, subeunte
 deliquio, prono in terram capite
 proruere. Quare sollicitus deinceps
 Parens, enascentes ejusmodi sermo-
 nes aut dextere alio derivare, aut
 amicè etiam monere coactus est, a-
 more Stanislai desisterent, brevi alio-
 quin visuros, ità Stanislaum oculis
 cœlo defigi, ut capite in terra luat.
Bartoli in vita. O utinam plures hoc
 ævo Bernardinos, plures Stanislaos
 haberemus, qui acetum porrigant ore
 tam illoto garrientibus! Non esset
 saltē, quo nos ethnici confunderēt,
 & verò etiam aliquando ad severissi-

mum DEI tribunal dampnent. O Clitomache, ô nobilis athleta, ubi es? qui, si quis sermones iniecisset amatorios, surgere solebas, & discedere. Plurarch. l. 7. quæst. Con. 7. Et tu igitur, ô adolescens Christiane, si importunior aliquis lulentas. facetias, lascivos sales, cantiones amatorias, aut verba prætextata jaciat, repercutias illum sæviore ut minimum vultu; aut cū Clitomacho subtrahas te ab ore impuro; siquidem immunis evadere velis ab hac aurium, imò animi macula. Stat enim firma Epieteti, gentilis licet, Christianè tamen sentientis auctoritas, in Enchir. c. 55. *Periculosum est, inquit, adoris obscœnitatem progredi.* Visco quippe similimus est obscœnus sermo; vel leviter attactus inquinat: & contingit plerumque turpi hoc glutinè intricatis, quod

avibus solet in viscatas virgas incautè
 impingentibus: quæ quantò magis
 explicare se conantur, tantò tenaciùs
 alias implicant: dum luctantur, dum
 nituntur, pennas plures inficiunt, hæ-
 rent præda aucupi, guiæ victima. *Se-
 pi aures tuas spinis*, monet Siracides
 c. 28. *& linguam nequam noli audire.*
 Claudendæ sunt aures impuris voci-
 bus, & quidem primis: nam cùm
 initium fecerunt, admissæque sunt,
 plus audent, infestantque importu-
 niùs. In perpetua apud te statione
 rubor excubet, verecundiæ signum,
 castimoniæ præambula, certaque te-
 stis: ostende saltèm pulcherrima hac
 immutati oris purpura tibi displicere,
 quod DEO nunquam placere potest,
 nec volupe tibi esse audire, quæ fa-
 cere erubescis.

CAPUT III.

Mali socii perniciosæ familiaritatis laqueis irretiunt.

Verissimè pronuntiavit Sanctus Ephrem de anima orcinis retibus illaqueata : *Quæ primum capta est (scilicet à diabelo) anima, ad alias decipiendas fit quasi laqueus, ut voluntati inimici obsequantur.* Atque ut Pòëta canit 14. *Metamorph. Deceptaque decipit omnes.* Quis non videt, seductricis societatis hanc unicam esse operam, quam tartareo aucupi impiè navat, plures & plures in retia impellere, séque ipsam tot scelerum ream facere, quot innocentes animas in perniciem agit? Nunquam tamen periculosiores struere pedicas, aut laqueos tendere censenda est, quàm quando, malè officiosa incautioribus
ultro

ultro viam aperit ad subintrandam cum sexu dispari familiaritatem. Dumdum illam damnavit magnus Basilus, non quia ipsæ mulieres sint malæ, sed quia earum familiaritas. Dāda, inquit, est opera, ut mulierum colloquia funditus fugiamus: in Const. Monast. c. 4. Et S. Hieronymus ad Nepotianum: Memento, ait, quòd paradysi colonum de possessione sua ejece- rit mulier. Remove paleas, nondum extinctus est ignis, clamabat emortua propè voce ad mulieris præsentiam Ursinus, uti refert Gregor. l. 4. c. 11. Quid si ipsa seductrix sit mulier, & illaqueare attentet innocentes? Tum enim verò audiendus est Ecclesiastes c. 7. Inveni amariorem morte mulierē, quæ lanqueus venatorum est, & sagena cor ejus, vincula sunt manus illius Qui placet Deo, effugiet illam, qui autem

peccator est, capietur ab ea. Talis mulier quot membra, tot infernalis aucupis circumfert instrumenta, uti scitè in dictum caput Ecclesiastis animadvertit Hugo Cardinalis. *Ace est, inquit, una mulier unus laqueus venatorum; imò quot membra, vel membrorum ornamenta habet: ita, ut à planta pedis usque ad verticem, non sit in ea videre nisi laqueos.* Sunt enim verò laquei in crinibus ad luxum comptis; sunt laquei in oculis, quibus capti plures meritò suspirent: *Ut vidi, ut peri! ut me malus abstulit error.* Judith certè Hebræorum Amazon aucupii huius non ignara [meliore tamen mente] de Holoferne dixit: *Capiatur laqueo oculorum suorum in me.* Judith c. 9. Sunt laquei in lingua mel & favum distillante; sunt laquei in genis lucatis, corallium & rosas mentientibus;

tibus; sunt laquei in manibus auro & gemmis relucetes annuli, & *dextra-riola*, & *lilia*. Judith c. 11. Sunt denique laquei in pedibus ad numerum saltitantibus. Docuit hoc Herodias saltans, & Regem in insanum amorē pertrahens. Docuit memorata Judith, quæ sandaliis, seu calceolis sericis Holofernem, orbis terrorem cepit. *Sandalia rapuerunt oculos ejus, pulchritudo ejus captivam fecit animam ejus*. Judith c. 16. Si viri capiuntur laqueis hisce, quid adolescentibus fiet? Verendum sanè, nè, dum retia sponte, & crebrius subeunt, in nassa tandem hæreant cum infelicì illo Ernesto, qui Anno 1633. Herbipoli in Fræconia inter Principis Joannis Adolphi ephebos numerabatur. Erat hic adolescens sanguine nobilis, familiæ suæ unicus hæres, ingenio adeò vido,

vido, ut primam in scholis palmam
ferret: specie eleganti, & formâ An-
gelicâ; quem ingenui in super mores,
& ardens pietas, cælestisque gratia,
velut flammula in virginea cera re-
lucens, omnibus amabilem reddebât.
Literis totus intentus, aut sacris in
ædibus abditus, nulli se gravius la-
bendi periculo exponebat. Fœmina
denique, & quis credat? sanguine jun-
cta adolescentem innocuum dolosis
laqueis cepit, irretivit, perdidit. So-
lebat hæc, quodam cognationis jure,
sæpius in domum suam invitare juve-
nem, & objectis omnis generis cupe-
diis ad gustum illius facientibus, eò
tandem per infamem consuetudinem
deducere, ut jam sinè fronte in omnia
scelera rueret; alieno pudori insidias
tenderet; corpus & animam devove-
ret damoni; nocturnis veneficæum
inte-

interesset conventibus: cæde & sanguine cruentaret manus, plurimòsque alios secum in nefanda flagitia pertraheret. Agebatur anxie de adolescentis remedio, qui non unum supplicium promerebatur. Frustrà omnia. Sinè ullo tandem pœnitentiæ signo sub ferro carnificis cecidit, utinam non iisdem in infernum laqueis detractus, quibus à fœmina, diaboli emissaria, in omne nefas, ipsiusque mancipatum dæmonis fuit pertractus. O Adolescentes, ubique inter laqueos & pedicas inceditis! nuspiam tamen integritati vestræ minùs cautum est, quàm cum pellaci muliercularum cōsortio miscemini. Iobum attendite, qui incautiùs proruentes submonet c. 18. *Abscondita est in terra pedica ejus, & decipula ejus super semitam.* Hanc probò sinè teste semitam ingredi, est

se velle in laqueos, & decipulam induere. Propè profectò aberat, quin hac decipula implicaretur Joannes Godefridus, adolescens castissimus, posteaque Bambergensis, & Herbipolensis raræ virtutis Episcopus. Fuit is liberali admodum & venusta facie, ità tamen, ut in eo nobilissimam fecerit mixturam pudicitia & forma. Hoc ejus virgineum decus cacodæmon, auceps vaferrimus, isto sibi stratagemate sumpsit deprædandum. E Gynæceo fæminæ magni Nominis, insigni juvenis pulchritudine in benevolentiam parùm pudicam inflexæ, ad convivium Godefridum specie honoris vocârunt. Adest vocatus, nec tamen solus [ut res tam periculo careret, quàm suspicione] sed unà secum vitæ suæ moderatorem adducit. Hunc præ omnibus benignæ invitationes,

tiones, & crebra pocula petebant.
 Hoc enim nequissima vafricie ageba-
 tur, ut is omnium minimè gressum è
 domo moliri posset, qui primus de-
 beret; itaque cogeretur cum com-
 misso sibi juvene illic pernoctare,
 Res è voto successit: nam probè ap-
 potum, & jam vacillantibus vestigiis,
 articulisque subsidentibus, labentem
 in proximum conclave blandè cubi-
 tum trahi jusserunt. Ità & juvenis ea
 nocte pedem domo efferre prohibi-
 tus est: & quia nil mali suspicabatur,
 ipse quoque ad lectum tali hospite
 dignum deduci se passus est. Cum
 verò adulta jam nocte quies, & silen-
 tium teneret, cubiculum sopiti juve-
 nis furia illa libidine accensæ lanceo
 passu irrepunt, jamque proximæ le-
 ctæ quâ verbis, quâ gestibus adole-
 scentis innocentiam ad flagitium in-

vitant. Hic castissimus juvenis, velut
 ad stygii monstri aspectum evigilat,
 & mox horrendum vociferans, è le-
 cto, ut erat lineis solum femoralibus,
 & indusio vestitus, profilit, impuris
 manibus semet extorquet, & omni ve-
 ste alia relicta, ex insidiosa domo e-
 volans, in vicini ædes, velut in asy-
 lū transfugit; ubi reliquum noctis, in-
 ter preces & gratiarum actionem pro
 obrenta castitatis palma exegit. Ità
 Drexelius in Niceta l. 2. c. 4. § 4.
 Cavete, ô adolescentes! quibus pud-
 citia cordi est, infames has venatri-
 ces, nocturnas lamias! Evadetis feli-
 citer laqueos & tendicula, si oculata
 vobis fuerit circumspectio, suffragan-
 te divino oraculo: *Frustrà jacitur re-
 te ante oculos pennatorum.* Proverb. 17.
 O quàm rectè exclamere potuit Go-
 defridus: *Anima nostra sicut passer*
ere.

erepta est de laqueo venantium; laqueus contritus est, & nos liberati sumus.
 Psal. 123. Cautior deinceps effectus, quas technas & laqueos semel evasit, nunquam timere desit. In domum suspectam alia vice invitatus: malim, inquit, leprotrophium subire, & cū leprosis cœnare, quàm vel semel castitatis periculo ædes illas ingredi. Et sanè plerisque adolescentem ut præstabilius, sic tutius foret inter contagiosos versari, & non infici; inter senticeta ac spinas incedere, & non vulnerari, inambulare prunis candētibus, & non aduri: quàm inter muliebres versari blanditias, & non irretiri. Raros Samsones reperias, qui fallaces hos laqueos, ut telas aranearum rumpant: raros Josephos, qui relicto pallio se manibus Dominae eripiant: raros Nicetas, qui præmor'am

linguam in lenocinantium faciem jaculentur, nè illecebrosis nexibus capiantur, raros Thomas Aquinates, qui cyprias has aucupes ardenti titione arceant, ut laqueos evadant. Hinc in fuga plerisque tutior est innocentia: nec luctando sæpius, quàm declinando vincit, & triumphat castitas laureata.

CAPUT IV.

Mali socii odore pravi exempli trahunt.

Quod de Israëlítico quondam populo in captivitatem Assyriam abducto, variorumque ibidem scelearum, idololatriæ præsertim contagione infecto Oleeas Propheta c. 7. questus est: *Factus est, inquit, Ephraim quasi columba seducta, non habens cor: hoc iisdem penè verbis usurpare pos-*
sim

sim in societatem pravam, & innocuæ juventutis seductricem. O quot sunt tales *columbæ seductæ* per acherontici aucupis præstigias, quæ deinde, quod lachrymis dignum, seducunt quoque & alias, *Cor non habentes*, sicut columbæ stolidiæ, quæ, licet videant quotidie pullos suos capi, jugulari, vorari; hominum tamen amicitiam consecretantur, seque ultro eis diripiendas præbent: ita vecordibus istis parum est, quod ipsi in casibus diaboli hæreant exitio proximi, sed quotquot possunt, alios in eandem nassam pertrahere conantur, ut contorto tandem collo simul fauces sanguinent insidiatoris infernalis. Nimirum quemadmodum columbæ unguento fragranti, ac balsamo alas delibutæ trahunt alias in odorem, & columbarium, ubi captæ necquicquā

gemunt, eundem in modum seductores pessimi, foris quidem totam Arabiam spirantes, intus tamen mephitim deterrimam oculorum scelerum halantes, exemplo malo in odorem malè olentium vitiorum alliciūt. Est quippe tanta perversi exempli vis, ut, si bonus malo societur, bonus esse continuò desinat. *Cum sancto sanctus eris, cum perverso perverte-ris*, ait coronatus vates. Psal. 17. Nemo vitia persuadet efficacius, quàm qui docet exemplo; verissimè Seneca: *Versat nos, inquit, & præcipitat traditus per manus error, alienisque perimus exemplis. Nemo sibi tantùm errat, sed alius erroris causa, & auctor est.* Vix Eva in paradyso deliquit, & mox in societatem peccati attraxit maritum; quasi solatium sit improbis non solos, sed cum socio.

peri-

perire. Percontatus est quondam Sinenſium Cirinenſiũ Prætulem Andronicus vir inclytus, & recti tenax: ſierine poſſit, converſari cum hominibus timore D'EI exutis, & juſtum inter eos, ac probum permanere? reponſit ille (ut ex ejus epiſtola 57. conſtat) non tantũ id homini difficiliſſimũ eſſe, qui Adami hæres congenito ſibi luto, & contaminatã ab origine carne vivit, ſed nec ipsis Angelis viatoribus id fuiſſe indultum: nec hi enim perfeverãrunt in juſtitia, malis in cœlo & rebellibus associati. Unus ſuperbus Lucifer quantum exemplo ſuo ſanctiſſimorum Spirituum agmen traxit in ſequelam! Solus ſol eſt, qui radiis ſuis immaculatis paludes & lacunas putridas impunẽ tranſit, & nullum radiorum capillum lædit, nec unicã cujuſvis camerinæ aut

fæditatis guttulâ, tanquam turpitudi-
 nis aspergine pelluitur. At verò ho-
 minum gloriari quis poterit, se die
 integra picem tractâsse absque inqui-
 nemento? Quis superbire præsumat,
 se carbones versâsse manibus, & nihil
 fuliginis adhæsisse? Reclamabit illi
 Spiritus ipse veritatis Eccl. 13. *Qui
 tetigerit picem, inquinabitur ab eo, &
 qui communicaverit superbo, induet
 superbiam* Scimus quidem, sed se-
 mel duntaxat prope montem Horeb
 rubum flammæ capacem arsisse, nec
 combustum esse: sed hoc Divinæ o-
 mnipotentia, non humanæ fragilita-
 tis opus est. Verum est: inter Sodo-
 mitas Lothum, Jobum in terra Huls:
 inimica DEO, Abraham in Chaldæa
 immaculatum perseverâsse: sed rara
 hæc, & portento similiora. Tres ja-
 ctas in medio nationis pravae peccati
 immu-

immunes; at centum, & mille opponi
 possunt, inter perversorum procellas
 & fluctus naufragi. Tu verò, si Loth,
 aut Job, aut Abraham es, caput &
 manum eleva, & applaudemus tibi:
hic vir, hic est! Pauci sunt, qui absq;
 tegumento sub Jove frigido stant
 nimbis defluo, & se ab omni gutta
 defensos jactare audent. Rarus no-
 strum tam felix est, ut velleri Gedeo-
 nis assimietur, quod sub roscida cœ-
 li pluvia stetit intactum. Neque ulli
 facile in media impr. borum colluvie
 liberè velificanti subscribere poteris:
Tangor, non tingor abundis. Quisquis
 diu, multumque inter exteros vivit,
 nisi oppidò hebes sit, eorum linguā,
 & idiomata addiscit; ità, qui diu inter
 impios, impietatem: qui inter impu-
 ros, turpitudinem: qui inter bla-
 sphemos, ejusdem dialecti homo eva-

dit Atque ideo Divinus præco Moyses Num. c. 16. proclamat: *Recedite à tabernaculis hominum impiorum, & nolite tangere, que ad eos pertinent, nè involvamini peccatis eorum.* Sumuntur enim, ut rectè advertit Seneca l. 3. de ira. c. 8. à conversantibus mores; & ut quædam in contactos corporis vitia transfiliunt, ità animus mala sua proximis tradit. Ebriosus convectores in amorem vini traxit: impudicorum cœtus fortem quoque & filiceum virum emollit, avaritia in proximos virus transtulit, Hæc ille. Et quidem ità ferè comparatum est, ut, cùm bonus improbo se jungit, non improbus à bono emendetur, sed bonus ab improbo contaminetur. *Dum spectant læsos oculi, læduntur & ipsi.* Ovid. Non contra verò lippientes, aut suffusi oculi à sinceris aliis, & lim-

& limpidos radios vibrantibus acutur. Ut verò ad columbas redeamus, refert Suidas, columbam exoculatam ad aucupandum in reti poni, quæ subsultans & in reticulo ludens, seque illaqueans invitat cæteras. Nemo nō videt, pellacium hic sociorum insidias denuo adumbrari; qui velut columbæ exoculatæ, id est, turpi cupiditate obcæcatæ, postquam in impudicæ vitæ consuetudinem, tanquam in cassidem, inciderunt, eò demum impudentiæ prolabuntur, ut gaudeant ad lascivos numeros subsultare pedibus, Fescenninis jocis provocare risus, fractiore voce titillare aures, molliore gestu blandiri oculis, procaci morum levitate effaminare animos, rapere affectus, incautos tandē irritare adolescentes. Cavete simplices columbæ, quibus primævus ad-

huc candor est, & pennæ deargetatæ:
seductas has & *seductrices* volucres,
 dum exemplo prævolant, nè sequā-
 mini: non procul ab iis aucupem ab-
 esse credite, aut accipitrem inferna-
 lem. Fugite potius ad *foramina pe-*
træ, & cavernam maceriæ Cantic. 2.
In quibus passer invenit sibi domum,
& turtur nidum. Psal. 83. Vulnera
 scilicet Christi, tutissimum salutis, &
 innocentiae vestrae contra tartareos
 milvos asylum. Anima quippe, ut
 explicat Doctor Angelicus Opusc. 60.
 tunc in vulneribus Christi sedet, &
 nidificat, cum in passione Domini
 spem salutis suæ ponit, & per hoc ab
 insidiis accipitris, id est, diaboli, se
 tuendam confidit. Et S. Bernardus
 Sermon. 16. in Cantic. *In his*, inquit,
foraminibus (nempe vulneribus Chri-
 sti) *se columba tutatur, & circumvo-*
lentem accipitrem intrepido intuetur,

CAPUT V.

Mali Socii vetitarum oblectationum escâ decipiunt.

FRustrâ sæpe se, fistulamque fatigaret auceps, si viridi latēs tētorio solo cantu in fraudem inducere volucres meditaretur; esca projicienda est, spargenda semina, diversis provocanda gula irritamentis. Hæc dum famis, vitæque fomentum quærunt, mortem glutiant brevi fauces interclusuram. In qua quidem fraudulenta asturia expressum habes Sanctorum ingenium: nōrunt illi operam perdi, si quis solis verbis pascere intendit: obijciendam esse offam, quâ gustus proritetur, cupedias apparandas, quibus affectus capiatur, cumulanda munuscula, quibus animi inescantur Sed nempe sua quemque trahit voluptas.

Aliis pinguiorum mensarum arrident
lautitiæ: alii fœcundis calicibus &
falerno inhiant: aliis in choreas &
saltus pedes pruriunt: alios recrea-
tionum, & lusûs immodicus amor ab-
ripit: alii denique prohibitarum
voluptatum dulcedine inescântur. Hic
demum perditorum hominum desu-
dat industria, ut, quæ ad salivam ma-
ximè faciunt, blandissimè obtrudant,
& quæ cujusvis genio amplius arride-
re advertunt, ea oculis, & auribus
quàm largissimè propinent. Ah! ca-
ve malecauta juvenus! sub esca la-
tent insidiæ, sub cupito cibo lethale
toxicum, sub dulcedine amara mors.
Vilissimarum oblectationum depro-
munt illicia, ut pretiosam capiant a-
nimam; vix primis labris mellitas de-
gustabitis delicias. & felleum abire in
amarorem sentietis. Cogemini in la-
menta-

mentabilem illum lessum prorumpere, in quem Regius adolescens Jonathan post degustatum contra legem paternam favum mellis, prorupit: *Gustans gustavi paululum mellis, & ecce morior!* Frenum profectò aviditati nostræ injiceretur, si cum D. Bernardo altiùs expenderemus triste illud: *Momentaneum est, quod delectat, æternum, quod cruciat.* Dum blanditur oculis illecebrosa voluptas, jam magna sui parte præterit; dum teneri putatur, elabatur. Quod ipsum lamentantur damnati in libro Sapientæ, eò quòd voluptates eorum transferint sicut avis volans, ut navis, & nuntius præcurrens, ut nubes, ut fumus, ut nebula fugata à radiis solis. *Ecce momentaneum est, quod delectat!* Non ità tamen brevi termino circumscribuntur cruciatus & dolor, quos volupta-

luptatum escæ tam avidè devoratae
progignunt, quando, quod hodie dulce
est ut nectar, & ambrosia, cras in
acetum, fel, & vappam degenerabit :
æternum, quod cruciat. I, malecaute
juvenis, aucupare caducas, fluxas, vi
les, instabiles, ac propè momentaneas
in creaturis oblectatiunculas, ample
ctere suspecta sociorum dona, inescare
objectis eorum cupediis! & expe
riêris brevi, nullam peccati volupta
tem aded puram, meram, sinceram,
ac liquidam esse, ut non multis mo
lestius, doloribus ac amaritudinibus
probè diluta, in mœrorem & affli
ctionem spiritûs migret, quæ animû
exulcerent, conscientiam torqueant,
curas ac sollicitudines, velut aculeos,
pariant, metus & terrores accersant,
ac denique in miserandos saepe casus,
& lamentabilem mortem corporis ac
ani-

animæ præcipitent. Juvat ipsum Spiritum Sanctum Ecclesiasti c. ii. ironicè, & cum sarcasmo invitantem audire: *Lætare ergo juvenis, ait, in adolescentia tua, & in bono sit cor tuum in diebus juventutis tuæ; & ambula in viâ cordis tui, & in intuitu oculorum tuorum; & scito, quòd pro omnibus his adducet te Deus in judicium.* Quid est lætari in adolescentia, nisi frui illis, quæ voluptuosa sunt, & animo oblectationum cupido lætitiâ pariunt? quid est, in bono cor esse; nisi effectui dare id omne, quod cordis anhelant desideria? quid est, ambulare in viâ cordis sui, nisi divinarum legum transiliendo limites, per omnes voluptatum semitas evagari? quid est ambulare in intuitu oculorum suorum, quàm sequi, & apprehendere, quod oculi vident pulchrum & delecta-

lectabile? Sed attende, quod subnectitur: *Et scito, quod pro omnibus hiis adiuget te DEUS in iudicium.* In quo strictissimo iustitiæ foro, vel una sæpe evanidæ voluptatis mica cum Divinæ legis prævaricatione degultata aeterno amore compensatur. Ream in hoc iudicio Evam considera, primam omnium in mundo seductam, & seductricem: cujus oculos cum aucupum more per prohibitam escam sollicitasset, callidus serpens: *Vidit mulier, quod bonum esset lignum ad vescendum, & palatum oculis, aspectuq; delectabile: & tulit de fructu illius, & comedit, deditque viro suo, qui comedit.* Sed cheu! pomum dedit viro mulier, quid vilius? & paradysum rapuit. In pomo uterque mortem animæ vorarunt. juxta commicatoris illam iudicis sententiam: *De ligno autem*

*autem scientiæ boni & mali nè comedas;
in quocunque enim die comederis ex eo,
morte morieris.*

Lyfimachum Thraciæ Regem memorat Plutarchus in Apophteg. Regum, ob ingētem sitim, aquæ scypho se, regnūque suum hosti tradidisse: epotâ verò aquâ exclamasse dicitur: DEUS immortalis! quæ hæc mea infelicitas! qui me vendidi, totumque regnum meum tantillo corporis oblectamento! O adolescentes, quàm præsentium incurii, tam futurorum improvidi! quàm viliori vos sæpe re- cula, velut dolofo cibo illæcti, libertatem, innocentiam, animam, & regnum æternum, uno temporis momento profunditis! ut non immeritò rugire præ dolore deberetis cum miserando Esau: ille, quòd vili lenticula primogenita vendidisset, Gen.

25. vos, quòd ob levissimam, & sæpe
 lutulentam delectationunculam à stygio
 aucupe, ejusque adjutoribus pravis
 focillis obtrulam, gratiam DEI, & jus
 ad cælestem hæreditatem amiseritis.

C A P U T VI.

Choreæ ac saltus sunt decipu-
 læ dæmonis., quibus Adole-
 scentum animi captivantur.

SAltus quondam prima occasi o fuit
 quâ præceptorum digito Dei exa-
 ratorum tabula confRACTA fuit: nam
 cùm Isrælitici Dux populi Moyse
 appropinquâset ad castra, *vidit cho-
 rs* (ait sacra pagina) *iratusque valde
 projecit de manu tabulas, & confregit
 eas.* Exod. 32. v. 19. Parem etiamnum
 effectum choreæ trahunt, quibus dum
 liberiùs indulgetur, certa eas plerūq;
 man-

mandatorum Dei fractio, id est, transgressio comitatur: nullâ decipulâ plures innocentum animas dementat auceps stygius, quàm dum libero ad saltum pede provocat, & eum chorearum amorem injicit, ut se lætum egisse diem non credant, nisi copiosum ad sudorem, membrorumque omnium lassitudinem, diem noctemque mediam saltibus immolaverint, nescientes majorem dæmoni, quàm sibi, per choreas has lætitiâ provocari: *Ubi enim Cytharædi & chori, & plausus manuum pedumque, ibi Angelorum tristitia & diaboli festum est*, ait Ephrem. Nullibi libentiùs hic, quàm in propudiosis his conventiculis moratur, ubi copiosissimam longè animarum, laqueis suis irretiendarum, spem sibi videt, gaudetque affulgere. *Ubi saltus lascivus, ibi diabolus certe adest.*

adeſt. S. Chryſoſt. in Matth. Adeſt nō ſpectator tantū, ſed & aētor, ut v
ſanguinem ſaltu excitatum in concu-
piſcentias inflammet; & ubi frœna li-
centiæ laxari videt, tantò facilius eos
animis igniculos indat, qui in miſe-
randum quondam incendium ſurre-
cturi, animam depaſcantur. Hic ſanè
ſi ullibi, fit *circulus* maximè *vitioſus*
ubi verecundia damnatur exilio, ſe-
ponitur morum honeſtas, modèſtia
venit in oblivionem, mentis integri-
tas corporiſque naufragatur, & ho-
rum locò tenuilitas, petulantia, ocu-
lorum auriūque libertas domina-
tur; ubi riſus immodici, geſtus im-
pudici, affectus minùs honeſti, &
quid non? ut non immeritò Guiliel-
mus Abbas dixiſſe videatur: *Salus eſt*
circulus, cujus centrum eſt diabolus. Ad
centrum tendunt omnia, communis

Sapiëntiũ est regula: utinam non
 ut verum esset, toties Adolescentes ad
 u-orcum tendere, quoties malefano, vi-
 li-tiosque hoc circulo rotantur in ver-
 ostiginem. donec jocantes, & saltantes
 e-in puncto ad inferna descendant. *Fa-*
re-cilis deïensus averni, ô Juvenes! non
 est, quod saltu eò properatis, quod vel
 innato naturæ depravatæ pondere,
 heu! nimium citò potest perveniri:
 natura vos ad malum satís potenter
 impellit, non est, cur nova vitiorum
 incentiva, Veneris præludia, libidi-
 num stimulos, laxamenta licentiæ
 (itã saltum vocat Petrarcha) inquirā-
 tis; ubi liberæ manus, liberi oculi, li-
 beræ voces vos affectuum & cupidi-
 tatum vestrarum facient esse macipia.
Impii in circuitu ambulant, advertit
 Psaltes regius, quibus nihilo meliores
 centendi sunt ii artificiosi saltum
 cho-

chōraulæ, fidicines, citharædos, tibi-
cines, & omnis generis musicos hîc in-
telligo, qui modis numerisque suis,
in orbem salientibus animos addere
consueverunt; esto enim, ipsi salti-
bus abstineant, omnium tamen pedi-
bus saltare credendi sunt, utpote quo-
rum sono, fidibusque fascinati ad
saltum pedes provocantur, nunquam
in tam perniciosas deviaturi semitas,
nisi propudiosi hi saltuum incen-
tores aut provocassent, aut promovis-
sent; unde mirum videri non debet,
paribus eos, aut fortè majoribus Di-
vinæ Nemesis poenis subjacere. Quas
audaciæ suæ ultrices expertus fuit in
oppido quodam Flandriæ publicus sal-
tuum machinator & succentor: cū
enim dies enceniarum illuxisset, fe-
stivum satis non credebatur. nisi vesa-
no chorearum tumultu festivorem
red-

reddidisset: populum itaque tibiâ, cuius artem callebat, contentiosiori spiritu per plateas animatâ excitat, ad destinatum choreis locum, id est ad statutum supplicio suo theatrum, nescius evocat, cantûque pedes in saltû movet, promovetque, cui dum insano plausu pluribus jam horis indultum esset, plerique seu lassitudine victi, seu noctis jam spissioris caliginè admoniti saltibus modum, finemque ponere præparabant: tibicen solus, nè ab inceptis pedem revocarent, hortari, diei latiùs actæ parem noctem jungendam suadere, ac domum parantes, novis modulis, ad saltum revocare. Interea Cœlum atras in nubes densabatur, & repetito sæpius tonitru immugiens sceleratos monere audiebatur; verùm surdis fabula: suis epim immergi deliciis vanissimi sal-

tatores, quid in nubibus ageretur, ignorabant, donec vehementiori domus inclarescens fulgure ita omnes terruit, ut tibicinem ex iis solum prostraverit, cujus manum, quâ tibiâ ori admovebat, fulmine cœlum castigavit. quam teterrimi duo canes à reliquo corpore avulsam, è spectantium trementiûmque oculis, surripuere. Sylva. hist. lib. 7. ex 4. Luculento satis documento, quantum iis infensus sit cœli dominus, qui vel saltus instituendo, vel institutos operâ suâ promovendo, chorearum vel causa sunt, vel occasio. Vos verò juvenes, si probi estis, discite, quisquis vos ad saltum reluctantes pellicit, ab eo ut diaboli affecula & discipulo abhorre: *Quis enim est, quærit Ephrê, qui primus choreas invenit, à quo suas filii carnis saltationes didicêre, quis ta-*
lia

lia Christianos docuit? non sanè hæc eos docuit Christus, non Petrus, non Joannes Apostoli, nec ullus divino Nomine afflatus, verùm draco antiquissimus suis voluminibus docuit: serpens ille antiquus in gyros agi solitus hos orbes docuit, qui orbem in ruinam cursu veloci præcipitare valeant; tortuosus ille draco, qui innocentia depravandæ avidissimus est, saltuum & Magister, & spectator, & centrum est. Nec hîc tibi omnem eripi lætitiâ, ac singula interdici gaudia, querâre juvenis; Lætum te, jucundumque esse desidero, & morositate proscripta hilarem sinè nube frontem suadeo; sed eam te agere lætitiâ velim, quæ ita mentem afficiat, ut mores nō dissolvat, sic exhilaret animum, ut probitati non officiat, ita delectet, ut nec conscientia causet mœrorem, nec

Da infli-

infligat vulnus Innocentiæ. Audiatur
Ambrosius: *Debet bene consciæ men-
tis læticia esse, non in inconditis com-
messationibus, non nuptialibus excitata
symphonis, ibi enim intuta verecun-
dia, illecebra suspecta est, ubi comes læ-
titiarum est extrema saltatio.* Lib. 3.
de virg. Nec desunt hilaritates aliæ,
quibus fatigatam laboribus mentem
honestiùs valeas relevare. Saltus enim,
si probè rem inspicis, non hilaritas,
sed labor, non delectatio, sed mole-
stia, non recreatio, sed fatigatio est:
unde sapientissimè Fridericus Ter-
tius hujus nominis Cæsar dixisse fer-
tur: febricitare se malle, quàm salta-
re. Quæ enimvero hilaritas: pedi-
bus humum quatere? insipientium
more repetitum toties in circulū agi?
pede nunc dextro, nunc sinistro sub-
silire? antrosum, retrorsumque gra-
di?

INNOCENTIAE.

65

dī? iter toties emensum remetiri?
 eundo sudorem elicere? &, ut ver-
 bo dicam, datā operā insanire! Alias
 tu, si sanus es, recreationes inquire,
 eas nempe, quæ nec corpori, nec ani-
 mæ periant detrimentum, & Hiero-
 nymiani memor moniti: *Tibicines
 & psalterias, & istius modi chorum dia-
 boli, quasi mortifera Sirenium carmina,
 proturba ex ædibus tuis, nisi decipula
 hac illectus captivam velis facere in-
 tegritatem tuam.*

C A P U T VII.

Dæmon in spectaculis & co-
 mœdiis, velut personatus au-
 cept innocentiam prædatur.

SI quando Divina lex innocentia
 conservandæ necessarium aliquod
 proposuit medium, tum lanè dedit

efficacissimam, dum avertere oculos
jussit, nè videant vanitatem; quæ li-
cèt Adolescenti puritatis lux zelato-
ri plurimum semper commendata esse
debeat, ibi tamen præcipuè venit ob-
servanda, dum seu innato nova vi-
dendi appetitu, seu juvenili curiosi-
tate, seu æqualium suorum exemplo
ad publicos histrionum actus, ad co-
mœdias non satis ad honestatis regu-
lam castigatas, ad spectacula invita-
tur, & allicitur. Idque tantò magis,
quantò natura nostra in malum pro-
jectior, majori rerum curiosarum vi-
dendi desiderio non tam fertur, quàm
rapitur; quod expertus ità gemebat
Augustinus: *Rapiebant me spectacula
theatrica, plena imaginibus miseriarũ,
mearum, & fomitibus ignis mei.* Libi.
3. Conf. Quæ spectaculorum aviditas
tantò graviora juvenibus parit incõ-
moda,

mōda, quantū minū ab iīs credun-
tur esse periculosa. Hæc enim recrea-
tionis, aut temporis fallendi cautâ
plerumque se adire quisque causatur,
& tamen, quis damna & pericula sa-
tis valeat explicare, quæ curiositate
hac, ad speciem fortè non aded mala,
incurrit innocentia? Ità nempe fit:
auceps, ut tutiūs, certiusque in retia
compellat aves, se unâ, laqueosque
viore vestit, ac sub innocenti latitās
fronde necem parat incautis. Parva-
ferrimi Alastoris inventum sunt spe-
ctacula, trahunt illa vestijum comi-
tate, actionum varietate invitant, &
nescio, qua tacita dulcedine juvenum
animos pelliciunt, sed & nihil tale
cogitantes capiunt, & illaqueant. *Ni-
hil est tam damnosum bonis moribus*
(charum sibi Lucilium informaturus
ait Seneca) *quàm in aliquo spectaculo*

desidere; tunc enim per voluptatem facilius vitia subrepunt. Ep 7. ubi seculus non tantum geritur, sed & docetur. Altius inhæret menti, quod per voluptatem quandam imprimitur, quò fit, ut post longa etiam temporum spatia eadem in mente imagines reproducantur, quas longè antè in spectaculis hauseramus, nec mortuæ illæ, sed ad eò vivæ, ut etiam num. ad illicita, & inhonesta inflamment, & impellant voluntatem: Multum mali auribus invehatur, sed multò magis oculis, quasi fenestris bipatentibus in animam mors irrumpt; nōl. potentiùs in memoriam descendit, quàm quod visum subit; facile audita prætervolant, conspectarum imagines rerum hærent etiam invitis. Petrarcha lib. 30. Licet enim illa teneri pudoris lupanaria, & publica obscœnitatis magisteria

stera terminentur, dum comœdia
 spectatoribus dimissis finem sortitur,
 phantasmata tamen impressa, conti-
 nuum castitati bellum indictura, ul-
 tro quàm credi possit, perseverant.
 Quid purpurati Ecclesiæ Doctoris vi-
 tæ austeritate rigidius, quid sanctita-
 te illustrius? assiduus carnem mace-
 rabat jejuniis, radicibus vitam trahere
 veriùs, quàm ducere contentus,
 ferreis corpus ciliciis, & repetitis in-
 dies, ad copiosam sanguinis effusio-
 nem, flagellis spiritui corpus subige-
 bat, in scorpionum, ferarùmque spe-
 læis, omni humano divulsus à con-
 sortio eremum incolebat, diurnis no-
 cturnisque precibus, uberes inter
 lachrymas profusis, supplex cœlum
 fatigabat, & tamen. quis crederet? in-
 ter tantas vitæ austeritates & rigores,
 impuras illas imagines, quas incau-
 tus

tus olim Juvenis Romæ in spectaculis
 hauserat, ita compescere nequaquam
 potuit, quin ab illis ad illicita [ut ipse
 ad Eustrochium scribens testatur] idē-
 tidem provocaretur; arrepto sæpe vir
 sanctus siliæ, mali conscium pectus
 quatiebat, nec impura tamē phāasma-
 ta poterat everberare; profusissimis
 juvenilem curiositatem lachrymis da-
 mnabat, nec tamen igniculos, in
 spectaculis quondam conceptos, va-
 lebat suffocare. Adeò tenaciter hæ-
 ret, quod teneris annis, animisque
 hauritur; cera formam, quam mollis
 assumpsit, non deserit: frangenda ci-
 tiùs, quàm dimittat. Erubescite hic
 tuam effrænis juvenus curiositatem,
 nec ampliùs Philosophorum Princi-
 pis monitum admirare: *Juniores co-
 mediarum spectatores non sinat esse Le-
 gislator: Aristot. lib. 7. polit. Laudo*

Var.

Varronis ingenium, qui *scenam* ab *obscanis*, derivari advertit, melius fortè, veriùsque dicturus, si ex *scenis obscana* derivari, docerique pronuciâset. Qui suæ integritatis tragediam agere timet, comædias id est, innocentiae corruptelas, & castæ mentis naufragia horreat frequentare. Quoties intermerata, canam usque in senectâ, prima floruiſſet integritas, nisi scelestarum occasione comeædiarum species menti impressæ puritatem, velut ex insidiis adortæ, expugnâſſent, ut meritò cum gemente Propheta hodiedum lamentari possint plurimi: *Oculus meus depredatus est animam meam.* Thren. 3. Quid oculi jactu levius? quid integritatis amissione possit esse periculosius? & tamen vel una actio inhonestæ, quam hac in orchestra videas, verbum unum non satis verecundû,

quo-

quorum plurima his in spectaculis audis, sufficit, ut innocentiae, ac fortè salutis aeternae jacturam incurras. Et si accuratam ubique locorum oculi habere custodiam à Spiritu Sancto in Proverbiis jubemur: *Noli circumspicere in vicis Civitatis.* Prov. 17. quae audacia possit esse projectior, quam datâ operâ eas frequentare hiltionias, in quibus ut frequentissimi, ita certissimi puritatis tuae laquei latent absconditi? Nemo suae virtuti fidat: nemo se maioris levandi, non animi foedandi gratiâ, spectacula frequentare prætendat; sed quisquis hanc iniquitati suae palliandae vela quaerit, Augustinum is audiat, hanc de Alipio enarrantem. Erat hic adolescens Juris Romae Studiosus, ut cætera non improbus, ita in spectaculorum odio plane commendabilis: quem tamen cō-

disci-

Discipuli diu vehementerque reluc-
tantem, familiari semel violen-
tia in Amphitheatrum, spectaculorum
videndorum causâ, ea tamen lege, ve-
nire cõegerunt, ut præsentem se cor-
pore, mente autem ac oculo prorsus
absentem futurum, tantum non ju-
raret; quò ubi ventum, & solitis jam,
omnia, immanissimisque ferverent
voluptatibus, propositi tenax Alipius-
oculos, nè in actiones illas licentios-
sius vagarentur, severissimè clauso-
cohibebat, atque utinam & aures ob-
turavisset; nam, dum jocis theatra-
libus elatiori semel populus cachin-
no applauderet, curiositate victus, u-
nicum oculo iectum facit, & ecce: ut
vidit, perit, animæ perniciem mo-
mento hausit: *Non enim amplius ille,*
verba sunt Augustini, qui venerat, sed
unus de procaci, ad quam venerat, turba

E

esse-

effectus rediit; quid p'ura: spectavit,
 exarsit, abstulit indè secum insaniam,
 quâ stimularetur videre non tantum cū
 illis, sed etiam præ illis, à quibus at-
 tractus est. Lib. 1. Conf. c. 8. adeò in-
 feliciter expertus est id Alipius, quod
 aureum Os pronunciavit: Spectacula
 & ludos adire, est intrare ad incontine-
 riæ gymnasium, ad cathedram pestilen-
 tiæ, ad impudiciæ orchestram, in pe-
 ssimam plurimorum malorum xenodo-
 chiū, in fornacē Babylonicam. S. Chry-
 tost. Hom. 8. de pænit. Quanti curio-
 sitas venit? horaria oculorum dele-
 ctatio tantum animæ thesaurum de-
 prædatur! Audiant curiosi, audiant,
 qui ad spectacula, & (ut Tertulliani
 verbis utar,) propudiosa Veneris sa-
 craria inaniunt, qui ad excusatio-
 nes in peccatis dicunt: spectamus qui-
 dem, sed non movemur. Alipius coa-
 ctus

Etus adire, cecidit, tam probus, tamq̃;
 innocens læsus est, & tu te putas non
 posse lædi? immanè quantum falle-
 ris. Theophylactum audi, & sequere:
*Nec monomachias, nec cætera spectacula
 spectare audemus. nè oculi nostri in-
 quinentur, & aures nostræ audiant pro-
 fana, & obscæna, quæ ibi decantantur.*
 Lib 3. Fugiat hæc, quisquis innocen-
 tiam non vult perditam; histrionias
 has caveat, qui gratum Deo, Ange-
 lis, & hominibus petit esse spectaculū.

CAPUT VIII.

Mali socii vetitorum lusuū
 cippo animas capiunt.

Quantò magis necessaria studio-
 sis potissimū mentibus est ani-
 mi relaxatio, quā, seu studiis fatiga-
 tas, seu laboribus aliis, curisque feli-

fas convenit respirare, tantò faciliùs ingenui tenerorum mores, ludorum occasione depravantur; dum enim lusum etiam à probis vident adhiberi, vetitum à licito, honestum à noxio discernere nequeunt, quò fit, ut innocuè planè, nec satis advertentes, eò delabantur, ut seductos se, moribusque depravatos priùs admirentur, quã advertant, ubi, & qua occasione, à primævo illibatæ vitæ tenore primum deflexerint; paricibus fortè nō absimiles, quæ, ubi se tutas ramo putant insidere, lætæ sinè cura subsiliūt, & priùs se cippo captas esse sentiunt, quàm dolum latere incuriæ advertant. Ludorum methodum, regulãq, tradere res admodum est difficilis: omnis prohiberi, nec debet, nec potest; cum lusus & eutrapeliæ deseruiat, & eum integerrimis etiam Adole-

doloscentibus in usu fuisse comper-
tum habeamus; illud tamen univer-
sim Juvenibus consultum velim : ut
lulum omnē sibi vetitū putēt, qui seu
ob circūstācias, seu ob modū, honesta-
ti reluctatur, quiq; , aut tempore, aut
loco alieno suscipiendus suadetur: *Ini-
mica siquidē est amicitia, & seductio e-
xecrabilis, ubi dicitur: eamus, faciamus,
ludamus, & pudet non esse impudentiē.*
August. lib. 2. Cōf. Aleas certē, char-
tasque lusorias, quas chartifolia vul-
gò dicimus, Juvenibus interdictas esse
nemo ignorat, in quæ concordī pror-
sus voce sancti Patres adedō severē in-
vehuntur, ut ea Divus Cyprianus dia-
boli venabulum, S. Basilius inferni
pabulum, S. Antonius innumerorum
malorum originem compellaverint.
Quæ iis potissimū lufibus convenire
putem, qui propositæ mercede pecu-

niæ, & quæruntur avidiùs, & periculosiùs tractantur; ex hac quippe lucrandi aviditate præter pretiosam temporis jacturam, & pravam, quæ imbitur, consuetudinē, nascuntur fraudes, dissidiæ, rixæ, blasphemix, non rarò cædes excitantur. ut non immeritò in eos invec̃tus exclamârit Cyprianus: *O noxia, seductoria, & pigra nequitia! O manus crudeles ad periculum sui armatæ, quæ bona paterna, & opes avorum sudore quæsitæ, ignominioso studio dilapidant! O manus trux, noxia, & insomnis!* Quæ ludendi aviditas, & lucrandi cupido, ubi animum semel invaserit, difficilè dictu est, quàm ægre deferatur; nam si quem semel lucri cujuspiam participem fortuna fecerit, hac spe lactatus, noctes diebus junget insomnes, cibo potùque neglecto chartis inhiabiat, nec ullius
hor-

hortatu, nec damnis propriis ab incepto revocandus, donec variante sortem. Fortuna, & acquisita perdat, & perditis, æs, vestem, quidquid habet, superaddat, nec prius tamen ludendi finem faciet, quàm ubi nihil, quod quod perdat, sibi superesse repererit. Quot non per lusus ad extremam reducti pauperiem serò tandem sapere didicerunt? quæ temporalium perditio tolerabilis foret; ast ea integritatis, animæque jactura, quæ lusus hos comitatur, nullis satis est lacrymis detestabilis. Ex lusu discitur acedia, ab acedia transitur ad avaritiam, ab avaritia ad dolos, à dolis ad furta, à furtis ad perjuriam, à perjuriis ad jurgia, à jurgiis ad blasphemias, à blasphemias ad cædes, ab his ad æternam animæ damnationem, gradibus, passibusque celerrimis pervenitur: adeò

cumulatam ē lufibus prædam ſibi tar-
tareus auceps vendicat, dum eorum
occasione juvenis non unius innocen-
tiam tantò frequentius depravat
quantò rariores hac ætate virtutum S.
Stephani æmulatores reperiuntur, qui
(teſte P. Nadaſi ad 7. Sept. in Anno
coel.) ut alearum chartarumque con-
ſuetudinem, inter diſcipulos ſuos ſub-
repentem, abrogaret, Eccleſiaſticis dæ-
monem exorcifmis eò compulit, ut
talem ſe palàm oculis ſpectandum ex-
hiberet, qualem ſe juvenes ad veti-
tos luſus allecturus fingere conſue-
viſſet; facit imperata dæmon, & dum
terrifica illa vultûs deformitate fictam
in lætitiam ſimulata, manu aleas, char-
tasque gerens comparet, eum apud
ſpectatores omnes cum terrore hor-
rorem excitat, ut extemplò ludis o-
mnibus æternùm valedicerent, niſi
quos,

quos, aut proborum exemplum, aut honestas ipsa persuasura esset; pudebat nempe illos tam tetri allectoris illecebris morem gerere. Collyrio sanè acri etiamnum juvenus indigeret, ut crassa mentis cœcitate depulsa, post tot damna & pericula malo suo edocta tandem cerneret, infernalem aucupem, qui circuit quærens, quem devoret, illicitorum lusuum, vel auctorem esse, vel per malos socios instigatorem; adeò verum est juxta mentem magni Basilii: *Spiritus malignus semper assistit ludentibus*. Fidem hujus firmiorem faciat Thyemo, quem ità ludo deditum lucroque immersum fuisse Cæsarius narrat, ut semper sacculum cum nummis secum deferret, qui secum ludere volentibus præsto esset, fortunæ artique suæ confisus, non die, non nocte quiescebat; vix

Es nullus

ullus quippe ab illo finè crumenæ dæ-
mno recedebat; quod enim arte non
valebat, id fraudibus, & rixis exorque-
bat: nocte igitur quapiam lucronis
hujus domum stygius auceps collu-
surus ingreditur, nec multis Thyemo-
se patitur sollicitari, ultro promptus
advolat: nec mora, liberalis uterque
tesseræ animosus vibrat, ictuque sæ-
pius repetito, cùm omnem propè
Thyemonis pecuniam è crumena dæ-
mon emunxisset, in iras ille, & rixas
effervescens, ignarus, quem æmulum
haberet, in collusorem fertur, dæmon
miserum lusibus deditum arripit, &
per tectum domûs corpore sublatum
omnium oculis eripit. Lib. 2. c. 34.
Exhorresce hic, quisquis legis, & o-
mnem pro lucro, pecuniave ludendi
consuetudinem horrere disce; nam
licèt ad tanta fortè repentè scelera nō
per-

pervenias, fraudes tamen, & mendacia vix cavebis. Præstat salutari Christi monito aures, animumque præbere: *Si manus tua scandalizat te, abscinde eam & projice abs te;* quàm in tanta præcipitem scelera, & conscientiae innocentis jacturam, per dexteram manuduci. Scelerata manus est, quæ pro aleæ, vel foliorum jactu animæ jacturam facit. Cave lusus hos, quisquis verè gaudere petis, & lucra contemne, si animam non vis perdere; charitas has cave, si nomen tuum in cælo scriptum esse desideras.

CAPUT IX.

Libri obscœni sunt retia dæmonis, quibus Juventus irretitur.

Mira res! sed vera: mali socii etiã mortui seducunt, & vel ideo
 E6 plus

plùs nocent, quia confidentiùs ea, magisque impunè docent, quæ vivi dicere forsan erubuissent; quos proinde vivos, ut pestem vitare proposuisti, eosdem mortuos etiam, ut innocentia tua syrtes, cavere nemento: nam esto mortui sint, vivunt tamen, & nocentissimè vivunt in iis, quæ post se opera, flammis fumoque digniora, quàm luce, ad posteros transmisere. Litera non erubescit, ut fert adagiũ, & tamen multa sæpe erubescenda cõtinet, per quæ verecundia, & probitas violatur. Adeò nec mortuis fidendũ est. Hi quippe per versus impuros, per cantus honestatis limã non satis castigatos, & libros verecundis oculis averfandos, quos superstites habent, plùs fortè, quàm si viverent, nocere possunt. Publici vitiorum, & turpitudinum præcones hi libri, velut totidem

dem explicata in iacturam Innocentiae retia sunt, in quæ si curiosum semel adolescentem stygius auceps impulerit, integritatem ejus tantò certius deprædatur, quantò libri hi moderatorum, juvenilem innocentiam curantium oculos plùs effugiunt, quantoque sæpius ad easdem obscœnitates volvendas patet recursus. Nemo diu castus vivet, quisquis obscœna incautus legit; hic, si ullibi, *mors intrat per fenestram*. Libri inhonesti, ut advertit Cicero, molliunt animos nostros, nervos omnes virtutis elidūt. 2. Tuscul. quæst. ut sic emasculata virtute proni in scelera quæque ruamus; quo in genere principatum tenent non eloti satîs oris Pœtæ, qui majori affectuum licentia in sequiora ducti, aptissimos innocentiae depravandæ castes texuerunt: *tenoros ne tã-*

ge pòetas! impurorum lasor amorū,
 quasi pœnitens, monet Ovidius. Hic
 sane perspicaci opus est Argo; ut è
 tot profanis, unus, qui legi dignus sit,
 eligatur; non omnium Pòëtarum car-
 mina fatidicam iaurum loquuntur,
 multa myrthum, Deæ cypriæ sacram,
 sapiunt: cave, hanc quisquis sapis, la-
 tet anguis in herba. Pòëtam, quem
 volvas, cautè priùs inspicere: non o-
 mnium chelys Minervam sonat: mul-
 torum cytharæ, Cythaream olent: nō
 satis emunctæ naris est Naso: molle
 fœnum, quod facilè flammam conci-
 pit, cornu cum Tibullo præfert Cæ-
 tullus; non solo nomine Venerem in-
 spirat Ovenus, nec quævis ità heroica
 sunt pòëmata, quin sociam Morti ma-
 ritent Venerem. Hic sedulo Juvenis
 eget consultore, qui Vates inter di-
 scrimen doceat; *nè hi folles impuri-*
tatis,

*tatis, & luxuriæ flabra, (ita libros hos
 Novarinus compellat) ignem excitēt,
 non nisi uberrimis lachrymis extin-
 guendum. Nec phrasis illinc ediscen-
 dæ vos ardor seducat: quod si mihi di-
 cis, inquit magnus Aurelius, hinc ver-
 ba discuntur, hinc acquiritur eloquen-
 tia; respondeo: non omnino per hanc
 turpitudinem verba ipsa commodius di-
 sciuntur, sed per hæc verba turpitudo ipsa
 confidētius perpetratur. Mulcent quidē
 aures hi chartacei iniquitatis propo-
 læ, sed mentem inquinant; alliciunt
 curiositatem, sed quæ caro nimis, in-
 nocentiæ nempe jacturâ, compēsetur;
 sub eruditionis velo perniciem fovēt,
 sub mellitis verbis venena, sub festi-
 vis salibus toxica, crimina sub carmi-
 nibus, sub leporibus aconita propi-
 nant, fabulas canunt, ut tu fabula fias,
 Orco quondam victimanda. O quot
 Ado-*

Adolescentes infelicissimi æternis nunc ignibus scelestam illam curiositatem luunt, quâ meretricio cusos in prælo libros volvere, revolvere, salutis incurii non destiterunt. Nunquam facilius juvenus a probitate ad improbitatem seducitur, quam per papyraceos hos lenones; vel semel legisse sufficit, ut immedicabile animæ vulnus infligas. Memorat gravis author, Patrum memoriâ quendam Adolefcētem se familiariter novisse, qui in frequenti Athenæo modestiæ, virtutisq; omnis exemplar habebatur: non eum in rerum coelestium studio priorem, non in placidissimis moribus parem, vix aliquem ex omni numero in laude innocentiae secundum habuisse: rapiebat in se omnium oculos affectusque illa incedentis gravitas, illa suavitas loquentis. Audite Juvenes,

au-

audite, quæso, quàm levis in speciem
occasio. quantam incauto adolescen-
ti stragem maturaverit: non ille per-
vigil inter nocturnos grassatores bac-
chando, non cum diurnis aleatoribus
convalescendo, sed ipso literarum, ho-
nestatisque ludo venenum imprudens
hauferat, ut enim Pòetæ veteris nomē
fortuitò prolatum laudari audiit, eū
sibi scriptorem, non quā impurum,
incestumve, sed qua tersè latinum,
nitidumque censuit continnò emen-
dum: emptum legit, lectum proba-
vit, probatumque suis illico non ver-
sibus, ut constituerat, sed moribus &
amoribus expressit. Sensere mutatam
indolem multi, & clàm aliquando in-
gemuere, cū in adolescente hoc
priorem illum adolescentem requi-
rerent Clades interim manifesta, sed
causa cladis ignorabatur. Verūm
haud

haud longè pòit apparuit simul &
scaturig. mali, & remedii invenien-
di desperatio, cùm præceptis animus,
jugò palam exulsò, cœpit per omnia
vitiatorum abrupta ferri, paucisque
mensibus is omnino esse, quem Magi-
stratus publicus, quia ad frugem re-
ducere non poterat infamiâ notatum,
publico edicto ab Academia, urbeque
proscriberet, veritus, nè, quantum
aliis documentum fuerat ad Virtutē,
tanto de hinc fieret ad flagitium in-
citamento (Ex Surio Lyræus lib. 7.
apoph. 10.) Itâ litera occidit, tâtūq; po-
test incauta impurorū lectio: nūquid
satius huic fuisset Christi obtempe-
râsse mandato: eruendum esse ocu-
lum præcipienti, qui scandalo nobis
esse possit; projiciatur liber, quisquis
te sceleribus vult obstringere; igne
pereat, qui flammâ excitare natus
est.

est, laceretur Vates, qui nocet integritati; præstat indoctum esse, quàm sacrilegum.

CAPUT X.

Finis tandem scelesti aucupii
animarum mors & exitium.

ECquo tandem obsecro, tam sollicita aucupum tendunt studia? quid antelucanæ sibi volunt, nocturnæque vigiliæ, quibus sub frigido & aperto jove non rarò excubant? satisne fortasse illis est miscellas volucres allicuisse fistulâ, fecellisse laqueis, implicuisse visco, involvisse retibus, cippo tenuisse, ac pedicis? minimè verò: gula frangenda est; cum libertate amittenda vita, membrisque laniatis crudelis simul, ac delicata hominum fames exlaturanda. Hæc, si sapitis o
ado-

adolescentes innocui, perditorum est intentio, jugulare vestrâ animâ, virtutē interimere. Iidem, qui initio aucupes, tandem latrones evadunt; tantoque crudeliores, quantò immitiùs, non tam in corpus, quàm ipsam animam saviunt, eamque innocentia suâ spoliata æternæ mortis victimam faciunt. *Insidicmur sanguini*, inquit Prov. 1. *abscondamus tendiculas*. Latronum more non aperto Marte, sed per insidias agunt; lucem fugiunt, tenebras amant, angulos quærunt, agnoscere nolunt. *Latrones* ex Festi sententia nomen à *latendo* habent, quòd latenter insidientur: vel, ut alii volūt, *latro* dicitur, quòd à *latere* adoriatur, non recta fronte, & apertâ nequitia, sed per ambages & palliatâ amicitia.

O crudelis amicitia, & inimica planè familiaritas, lacrymas non sedu-

ductis modò, sed & horum spectato-
 ribus excire aptissima! quis infautâ
 Belgici Adolescentis tragœdiam sinè
 lacrymis audiat! erat hic primâ Ju-
 ventæ gratiâ, nempe proximo infra
 vigesimum annum, florentissimus, ut
 talentorum naturæ præstantiâ ita o-
 pum affluentia toto Belgio notissi-
 mus, qui pravæ societatis illicio se-
 ductus, morum, quibus in scholis A-
 cademicis fuerat imbutus, brevi ob-
 litus, jam à puberibus annis petulan-
 tiæ omni assuetus, genio ad votum
 indulgebat, & quia neminem morû
 suorum censorem audiebat, edò addu-
 ctus est infelix, ut, dum sociorum
 persuasus exemplo latrocinii cujus
 piam comitem ageret, à lictoribus
 captus, carceri, custodiæque manci-
 patus, non multò pòst capitis da-
 mnaretur. Hic prima se tragœdiæ
 scena

scena explicat: nocte itaque Juveni
 tristi nuncio intimato, simul è So-
 cietatis JESU Collegio Sacerdos eum
 ad æternitatem paraturus evocatur,
 aderat hic, jam enim fatalis hora ca-
 tastrophen exhibitura imminabat,
 carcerem subit, tristitia propè ene-
 ctum cernit, & salutatur adolescentem,
 qui mutari illico vultu, mirari, stu-
 pentique similis tantillùm hærere,
 donec post plures alternatium cogi-
 tationum ætus, & variorum affectuū
 luctas in genua provolutus, Patris ma-
 nus osculari, eumque talibus affari
 cœpit: *Heu mi Pater! nullane mei te
 subit recordatio! ecce! quem vinc-tum,
 squalidum, jam jamque morte afficiē-
 dum extrema hic vides, discipulus ille
 quondam tuus, ô utinam discipulus!
 fuit* (annum hic, locum, classẽ, cõ-
 discipulos ex ordine recitat) Hæret;

si unquam, attonito similis Pater, fixusque Juvenem intuitus, cum tandem esse quem se ipse dicebat agnoscit, nec sine suspirio, quî ad infauftum hunc statum venerit, rogat: Juvenis pauca hæc, nec plura quippe ex singultibus & dolore poterat, verba egemuit: *scelerata malorum societas huc me redegit*. Quis hic Patris sensus, quæ professori mens fuerit, cogitate, quibus oculis Juvenem aspexerit, quæ olim ob ingenii præstantiam, & tractabilem ad honesta quævis indolem primis in amoribus habebat, cui omnem cum lacte pietatem parentes optimi instillaverant, quem ob candidissimos mores & vitæ integritatē omnes quondam suspexerant, cum nunc scelerum convictum, compeditum, ad infame furcæ supplicium aspicit condemnatum. Sed ut nullam
 malo,

malo, heu nimiam aucto medelam
 superesse videt, ad generalem, & sin-
 ceram noxarum exomologesim hor-
 tatur, quam ubi inter veræ poenitudi-
 nis testes, singultus & lachrymas ab-
 solvit, adesse nunciatur hora neci de-
 stinata. Jamque carnifex funesti offi-
 cii necessitatem excusaturus, veniam-
 que de more petiturus adest, hic de-
 nuò concuti juvenis, alterari, animo
 linqui, sensibusque destitutus inter
 brachia sacerdotis collabitur: currunt
 illico, qui adstiterant, & fomenta,
 vires, animamque revocatura submi-
 nistrant, quibus iterum sibi redditus,
 ac à Sacerdote causam tam repentinæ
 mutationis rogatus, digito in hunc re-
 intento, voce doloribus fracta: *Ecce*
mi Pater, inquit, hic Justitiæ minister,
jam jam collo meo vestim inferturus,
meus in classe eadem sub te Magistro

condiscipulus fuit. *Qui talia fando
temperet à lachrymis?* Hærent omnes
attoniti, agnoscit & in hoc suum Pa-
ter olim discipulum, hoc unum non
suffecit admirari, quâ demum viâ tã
proborum parentum sobolës, tanta-
rum divitiarum (annua namque 12.
florenorum Belgicorum millia in red-
ditibus numerabat) hæres, tantæ &
in literis capacitatis, & in moribus in-
genuitatis adolescens ad tam abjectû
ministerium sit prolapsus, donec ipse
factorum conscius veritate nihil im-
minuta rem ex ordine narrare cœpit,
se nempe scholis absolutis parentû cu-
râ solutum, ac optimorum Professio-
ris sui monitorum oblitum pravæ so-
cietati miscuisse, dies noctesque cum
aleatoribus, ac compotatoribus trans-
egisse, tandem post datum militiæ
nomen gravi deprehensum in scelere,

ac morti cum sociis adjudicatum fu-
isse, cum autem lictor, qui victorū
scelera vindicaret, desideraretur, se,
ut vitam servaret, ad tam ferale mu-
nus animum, manumque adjecisse, &
pro carnifice obtulisse; id nunc unum
se plurimum dolere testatus, quod
in tam charum sibi quondam condi-
scipulum [reum intendebat] idem
muneris cogeretur exercere: quare
mutuas inter lachrymas se amplexan-
tur, & valedicunt. Jamque tempus
coe deduxerat, ut tres simul, Professor
nempe Confessarius, binique dispu-
li, reus unus, carnifex alter iisdem in-
icalis tristi spectaculo ad patibulum
consisterent, quo animorum & affe-
ctuum motu? quis describat. Specta-
te tragœdiam! suspenditur tandem
deturbatur, pendetque turpe funus
Juvenis genere, fortunis, ætate, inge-

nio nobilissimus; nunc à liẽtore con-
discipulo, spectante utriusque Profes-
sore recte suffocatus : quo ità suppli-
cio affecto brevem in sermonem eru-
pit Pater, & quibus gradibus discipu-
lus hic quondam suus ad tam infame
mortis genus venerit, cujusque ma-
nu scelerum poenas dederit, gravi o-
ratione docet. Engelgrave in Fest.
S. Cathar. Virg. & M. Quem utinam
hodie dũ audiant adolescentes omnes,
& discant, qui tandem pravæ socie-
tatis finis esse consueverit, nè serò
nimium aliquando agnoscentes incu-
riam suam deflere cogantur. O mi-
seros illos, qui per imprudentiam
in latrones istos incidunt, ut peregri-
nus ille Jerichuntinus Lucæ 10. à qui-
bus foedè sauciata conscientia, deni q̃;
experiuntur infelices, qua in navi, &
quibus cum vectoribus deportati sint

ad inferos. Illos autem quis commiseratione dignos censeat, qui infamii latronum horum societati se ultro addicunt, & in omnia scelera impiè ruunt, suæ, alienæque salutis proditores?

Non est tamen, quòd sibi plaudât execrandi hi animarum latrones, si tot subversas mentes diabolo immolent. Jam væ illis æternum, quo vis fulmine horribilius, intortum est væ homini, per quem scandalum venit! Matth. 18. Væ scandalizanti à DEO, cujus opus summâ Sapientiâ, bonitate, ac potentiâ conditum, ipsiusque Divinitatis imagine insignitum destruit, & exemplo, verbo, vel opere pessumdat. Væ illi à Christo, cui maligna suggestionem abstrahit animam propriæ vitæ impendio, & sanguinis pretio redemptam. Væ illi ab Angelis,

illis, Custodibus præsertim clientum
illorum, quibus ponit offendiculum:
gravius enim, quàm dici potest, cu-
stodum horum offensam provocat:
quia si gaudium est Angelis in cœlo
super uno peccatore penitentiam a-
gente; tantundem sanè contristantur,
seu indignantur super uno iusto, qui
suapte, vel alterius culpâ pervertitur;
& si omnes, multò magis custodes,
qui singulari zelo servant, & servare
cupiunt animas sibi commissas; quo
etiam instigante vindictam à Deo po-
stulant in ejusmodi prædones. Væ illi
à dæmonibus; tametsi illis seductor
gratissimum præbet sacrificium, cum
alios secum perdit, nihil tamen aliud
præmii locò ab ipsis recipiet, quàm
duplicatam poenam, unam, quia se
ipsum, alteram, quia proximum per-
didit. Solet remunerari dæmon præ-

stita sibi obsequia ad instar Pharaonis
 Regis. Exodi 1. qui cōégit. Israëlitas col-
 ligere paleas, totoque tempore occu-
 pari in operibus luti: demum. verò
 pro mercede dirissimè iussit flagellari.
 Exod. 5. Væ demum illi. à pusillis,
 quorum illibatam læsit innocentiam,
 & animam occidit. *Etenim omni pla-*
ga, ut ait S. Chrysostomus. in primâ
 Corinth. 8. *gravius est scandalum,*
cùm sæpenumero mortem afferat. Hinc
 sicut sanguis Abel ad cœlum extulit
 vocem, & vindictam in parricidam
 petiit; ità vociferabitur. multò magis
 anima, perversoris vitio æternæ mor-
 ti tradita. Scribit Herodotus l. 5. Da-
 rium Persarum Regem, ut ei nuncia-
 tum est, Sardes captas, incensasque
 ab Atheniensibus, jurâsse sagittâ in
 cœlum excussâ, injuriam se ulturum,
 & cuidam famulorum præcepisse, ut
 sibi

sibi semper appositâ cœnâ diceret :
Here memento Atheniensem. Simile
 quid agere concipiendus est Deus;
 cui tanta injuria infertur, cùm ever-
 titur innocens anima pravo alicujus
 exemplo, ut propterea constituerit
 sanguinem everſi, qui continenter
 coram Deo vindictam expetat in tam
 noxium caput.

Exemplum desideratis? Thomam
 Cantipratanum consulite l. 2. *Apum*,
 c. 30. Habuit ille adhuc adolescens
 cœvum quendam parium studiorū
 charum imprimis, modestiâ ac pud-
 citiâ insignem, sed postea pessimō cu-
 jusdam exemplō intransversum actū.
 Admonitus per familiares suos, nè
 ipse tam præclari sanguinis (nobilis
 enim erat) tantaque expectationis A-
 dolescens, tantam infamiæ notam sce-
 lere illo inuri sibi pateretur; retraxit

pedem aliquoties; sed consuetudine depravata pertinacius semper impellente, infelix toties rediit, dum Divina vindicta viam penitus, & vitam intercluserit. Hospitati erant apud eum die quodam Nobiles nonnulli eodem stemmate oriundi, copioso stipati famulitio; solutaq; coenâ, dum quieti, ac somno quisque se comparat, & hic in cubiculum, quod separatum habebat, secessit: ibi ille dum in lecto jam esset, clamare subito, auxiliumque contentione, qua potuit maximâ postulare. Excivit ea res domesticos, herilique lecto properè stitit: attoniti clamoris causam diu indagant, nullâ accipiunt. Decanus, alique è Canonicorum Collegio accersiti authores ei fiunt, ut vitæ perperam gesta coram sacerdote deponat; sed nihil proficiunt. Fatigatus tandem adolescens

igne,

igne, horroreque, oculis ad Decanum
 converſis: *Væ* inquit, illi, qui à recto
ſeduxit me! Ad quid nunc Divinum
auxilium invocabo? Ecce, jam video
patulum tartarum, præſentes dæmo-
nes, & ad rapiendum me totis fauci-
bus hiantes! Cumque omnes, ut ſa-
 lutari potiùs crucis ſigno ſe commu-
 niret, cum lachrymis inclamarent,
 ille ſinè ſenſu jam, clauſisque oculis
 avertit faciem, dirasque voces emit-
 tere non ceſſavit, dum miſeram ani-
 mam efflavit. Attendite, quotquot eſtis,
 perversi juventutis corruptores; hoc
 eſt tremendum illud *væ!* quod con-
 tra vos & ſeductæ puſillorum animæ,
 & ipſe Dei filius pronunciat. O *væ*
 terribile, quia æternum! ad quod qui
 non evigilat, ac reſipiſcit, vivens
 mortuus eſt.

CAPUT XI.

An, & quisnam in familiaritatē
admittendus?


Spectâstis, Adolescentes Christia-
ni, aucupium veteratoris stygii; vi-
distis potiores, easque malignissimas
artes, quibus à pravo consortio tot
millia juvenum cum Landelino in
casses diaboli impelluntur, sed pauci
admodum cum eodem rursus elibe-
rantur. Vestrum est alieno damno
sapere, & prudenti cautela declinare
laqueos & retia, quibus S. Antonius
totum propè mundum irretitum vi-
dit, Neque tamen per hoc omni vo-
bis familiarioris consortii usu inter-
dictum velim: modò saluberrimum
D. Hieronymi monitum locum ha-
beat: *Tales, inquit ad Nepotianum,
habeto socios, quorum contubernio non
infa-*

*infameris, nō ornētur veste, sed moribus,
 nō alamist, o crispent coma, sed pudici-
 tiā habitu polliceantur* Cū enim jux-
 ta veterē parāmiam: *similis simili gau-
 deat*; & aves concolores simul volent,
 talis quique censetur, qualis est, quo-
 cum versatur. Invaluit jam opinio,
 ab iis vivendi nos accipere similitu-
 dinem, quibuscum versandi hauseri-
 mus, cupiditatem. Nec inanis est ple-
 rumque præsumptio: quia ex Sapi-
 entis effato, Prov. c. 13. *Qui cum sa-
 pientibus graditur, sapiens erit, ami-
 cus stultorum similis efficietur*. Et uti
 vinum dilutum colorem mutat, etsi
 non omnem vini virtutem perdat; sic
 boni nominis, ac famæ colorem amit-
 tit, qui admittit socios non dilutæ
 probitatis. Vis nōsse hominem? attē-
 de, quorum familiaritati assuescat:
 amicitia pares aut accipit, aut facit.

Cui

Cui famæ igitur, nominisque integritas curæ est, deterioris notæ socios quàm longissimè fugiat, nisi talis haberi velit. quales ipsi sunt.

Probum, ac honestum amicum diligere, colere, & ambire, non est, quodd vetem. Sed eum amicum elige, qui te ex bono meliorem facturus est, aut ex malo bonum. Qui recedentibus omnibus te non relinquat, qui in tristitiæ quæ, ac lata fortuna fidem servet, suisque cōmodis accedere credat, quod amici servit emolumentis. Sed quis ille. tādē Pylades? quis ille Acharites? Ille, ille tuus custos Angelus, cui mandavit Deus de te ut custodiat te in omnibus viis tuis. Hic unus verè amici nomine compellari dignus est. S. Bernardum adhortantem audi in Psal. 12. *Habete familiares Angelos, Fratres mei, frequēte eos sedula cogitatione, et devota oratione, qui semper vobis adiūt ad custodiam & cōsolationē.*



Cui
grit
quæ
ber

lig
qu
qu
au
bu
tr
ve
qu
qu
te
ma
in
m
S.
P
E
ta
v

Impetus quid erat

*Impetus 2 cor. 12
quid est*

Biblioteka Jagiellońska



stdr0017775

